



## **Aningaasaqarnermut Aatsitassanullu Naalakkersuisoq**

**Ulloq:** 14. marts 2016  
**J.nr.:** 01.31.06/16-00707

**Pingasunngornermi ull. 9. marts 2016 Aningaasaqarnermut Akileraartarnermullu  
ataatsimiititaliap aalajangigaa pillugu Naalakkersuisunut ilisimatitsineq.**

**Pensionistitut illuutiminnik iluarsaassinissamut 150.000 koruunit tikillugit  
Naalakkersuisut taarsigassarsititsisinnaanissaannut siunnersuut. - Suliaq nr.  
01.31.06/16-00707.**

”Naalakkersuisut inassutigaaat,

- kontomut pingaarnermut 89.72.11-mut, Nammineq inissianik tapiissutitalim-  
mik sanaartornermut tunngasumut oqaasertaliussaq nr. 3 nutaaq ilanngussaq 1  
naapertorlugu pilersinneqassasoq.”

**Aningaasaqarnermut Akileraartarnermullu ataatsimiititaliap oqaaseqaatai  
apeqqutaalu:**

### **Apeqqut 1:**

UKA2015/107-mi siunnersuutigineqartut taarsigassarsiat 100.000 kr.-tut  
aalajangiunneqaratik 150.000 kr.-iunissaannik aalajangiiffigisassatut siunnersuutip  
aappassaaneerpeqarneranili Naalakkersuisut aalajangersimanerannut suna pissutaava?

### **Apeqqut 2:**

Immikkoortup (UKA2015/107-ip) Inatsisartut ataatsimiittarfiani suliarineqarnerani  
siunnersuuteqartup aamma Sanaartornermut ataatsimiititaliap naatsorsuutigisaattut taamatut  
taarsigassarsiat annertuseriaateqarnerat ima kinguneqassava, aningaasaliissutinut 5 mio. kr.-  
nik qaffaasoqarnissaanik pisariaqartitsisoqalissasoq?


### **Apeqqut 3:**

Siuliani immikkoortup taasap aappassaaneernerani Naalakkersuisut ilimasaarinerattut  
suliamut atatillugu oqaasertaliussassatut nutaatut siunnersuutigineqartumi suliamut  
ilanngussami Ataatsimiititaliap toqqaannartumik takujuminaatsippaa pineqartoq  
tassaanersoq taarsigassarsiat erniaqaratillu taarsersugassaangitsut. Pineqartumi  
taarsigassarsiat erniaqaratillu taarsersugassaangitsut pineqarnerisut Naalakkersuisunit  
uppernarsaqquneqarpoq, tassungalu atatillugu Naalakkersuisut isumaliutigisimavaat  
ernialersuinanilu taarsersuisussaatitaannginnermut piffissaliinerup sivisussusia  
taarsigassarsianut taamaattunut atatillugu qanoq sivisutigissanersoq?

Suliamut atatillugu ataatsimiititaliap siuliani oqaasertaliussatut taasimasaannut  
Naalakkersuisut kalaallisut danskisullu akissutaat kingusinnerpaamik tallimanngornermi ull.  
18. marts 2016 nassiuteqquneqarput, qarasaasiakkullu uunga: [saam@inatsisaratut.gl](mailto:saam@inatsisaratut.gl)

**Aningaasaqarnermut Akileraartarnermullu ataatsimiititaliap aalajangiinera**  
Siuliani allassimasutut oqaaseqaateqarluni apeqquteqarlunilu Naalakkersuisut  
inassuteqaataat Aningaasaqarnermut Akileraartarnermullu Ataatsimiititaliamit  
**akuerineqarpoq.**

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua